



ԳՈՀԱՐ ԱՂԱԶԱՆՅԱՆ

ՀՊՏՀ կառավարման ամբիոնի ասպիրանտ

ՊԱՇՏՈՆԱԿԱՆ ԴՐԱՄԱՇՆՈՐՀՆԵՐԻ ԴԵՐԸ ՀԱՄԱՅՆՔԻ ԲՅՈՒՋԵԻ ՁԵՎԱՎՈՐՄԱՆ ԳՈՐԾԸՆԹԱՑՈՒՄ

ՀՀ գեղական ինքնակառավարման ոլորտն ունի շուրջ 25 տարվա պատմություն, որի ընթացքում ծևավորվել և զարգացել է ոլորտը կարգավորող օրենսդրահրավական դաշտը, սահմանվել է գեղական ինքնակառավարման մարմինների (ՏԻՄ) լիազորությունների և պարզականությունների շրջանակը, կարգավորվել է պետական ու գեղական ինքնակառավարման մարմինների փոխգործակցության շրջանակը գեղի է ունեցել պետական իշխանության մարմինների լիազորությունների ապակենարկուացում, խորացում և այլն: Այնուամենայնիվ, պեղը է նշել, որ ՏԻՄ-երն օրենքով իրենց վերապահված լիազորությունների այդ թվուա՞ գեղական ինքնակառավարման իրավունքի և իրական կարողության՝ սրանձնման գեսանկյունից դեռևս շաբ անելիք ունեն:

Հողվածում ուսումնասիրվել են ՀՀ համայնքների բյուջեների՝ 2014-2019 թթ. զարգացման միտումները, պաշտոնական դրամաշնորհների բնեուացվածությունը, վերլուծվել են համայնքների բյուջեների առանձին բաղկացուցիչները՝ ֆինանսական համահարթեցման դրացիաները, սուբվենցիաները, սեփական եկամուտները, երևան քաղաքին բրամադրվող դուրացիաներն ու սուբվենցիաները և այլն: Վերլուծությունների արդյունքում, վեր հանելով առկա խնդիրները, կարգավորվել են մի շաբ առաջարկություններ՝ ուղղված համայնքների բյուջեների սեփական եկամուտների աղյունների ավելացմանը, ինչպես նաև օրենսդրահրավական դաշտում առկա հիմնախնդիրների լուծմանը:

Հիմնարարեր. գեղական ինքնակառավարում, համայնքի բյուջե, ֆինանսական համահարթեցման դրացիա, սուբվենցիա, սեփական եկամուտներ

JEI: R10, R51

¹ Տե՛ս Տեղական ինքնակառավարման եվրոպական խարտիա, հոդված 3, Ստրասբուրգ, 1985:

Ներածություն: Մինչ անկախության հոչակումը, ՀՀ-ում գործում էր «տեղական ինքնակառավարման» այնպիսի համակարգ, որը չուներ ինքնուրույն գործելու իրավունք, և միայն 1995 թ. հուլիսի 5-ին՝ ՀՀ Սահմանադրության ընդունմամբ, հիմք դրվեց տեղական ինքնակառավարման իրական գործընթացին և պետական իշխանության մարմինների լիազորությունների ապակենտրոնացմանը:

Թեև անհերթելի են վերջին 2 տասնամյակում տեղական ինքնակառավարման մարմինների կայացման և գործունեության դրական տեղաշարժերը, այնուամենայնիվ, տեղական ինքնակառավարման համակարգում առկա են մի շարք խնդիրներ՝ կապված համայնքների իրական ֆինանսական անկախության ապահովման հետ, որոնք պայմանավորված են ինչպես օրենկութիվ և/կամ սուբյեկտիվ խնդիրներով, այնպես էլ ոչ կատարյալ օրենսդրահրավական դաշտի առկայությամբ, սեփական եկամուտների ծևավորման աղյուրների սակագությամբ, ՏԻՄ-երի՝ պետական իշխանության մարմիններից էական կախվածությամբ։ Համայնքների ֆինանսական ինքնուրույնության ցածր աստիճանը բացասաբար է անդրադառնում տեղական հարկերի ու տուրքերի հավաքագրման վրա, ինչն, էլ իր հերթին, նվազեցնում է ՏԻՄ-երի դերը և հնարավորությունները։

Հողվածի հիմնական նպատակն է համայնքների բյուջեների ծևավորման, մասնավորապես՝ պետական բյուջեից պաշտոնական դրամաշնորհների տրամադրման ոլորտում առկա հիմնախնդիրների լուծման համար մշակել հստակ ու հասցեական մոտեցումներ և կառուցակարգեր, որոնք ուղղված կլինեն համայնքներում ֆինանսական կառավարման գործընթացի կատարելագործմանը և արդյունավետության բարձրացմանը։

Գրականության ակնարկ: Տնտեսագիտական գրականության ռառումնասիրությունները ցույց են տալիս, որ գրեթե բոլոր երկրներում համայնքի բյուջեի եկամուտները հիմնականում բաղկացած են 5 հիմնական մասերից՝ հարկեր, ոչ հարկային եկամուտներ, սուբսիդիաներ, դոտացիաներ վերադաս բյուջեից և փոխառություններ։

Տարբեր երկրներում հնարավոր են տեղական բյուջեների եկամտային ինքնուրույնության տարբեր մակարդակներ։ Դրանք կարելի է ներկայացնել հետևյալ կերպ։

- սեփական հարկեր, որոնց հարկման բազան և դրույքաչափը սահմանվում են տեղական իշխանության մարմինների վերահսկողությամբ,
- մասնակիորեն որոշվող հարկեր։ հարկման բազան ընդհանուր է երկրի ամբողջ տարածքում, սակայն դրույքաչափերը կարող են փոփոխվել տեղական իշխանությունների կողմից,
- ոչ հարկային եկամուտներ՝ տեղական վճարներ և տուրքեր։ ընդհանուր առմամբ, կենտրոնական կառավարությունը որոշում է տեղական վճարների և տուրքերի գանձման շրջանակները, հաշվարկման ու հավաքագրման կարգը,
- հարկերից մասհանումներ։ հարկման բազան և դրույքաչափերը ընդհանուր են ամբողջ երկրի տարածքում, սակայն հարկային եկամուտներից որոշ մասնաբաժին հատկացվում է տեղական իշխանության մարմիններին,
- ընդհանուր նպատակի դրամաշնորհներ։ ՏԻՄ-երին տրամադրվում են

- դրամաշնորհներ, որոնց չափը որոշվում է կենտրոնական կառավարության կողմից, սակայն դրանց ծախսման ուղղությունները որոշում են տեղական իշխանությունները,
- պայմանական կամ նպատակային դրամաշնորհներ, որոնց մեծությունը կարող է որոշվել կենտրոնական կառավարության կողմից կամ կախված լինել տեղական միավորի եկամուտներից և ծախսերից²:

Համայնքային բյուջեի եկամուտներում իրենց ուրույն տեղն են զբաղեցնում պաշտոնական դրամաշնորհները: Վերջիններս տրամադրվում են ինչպես պետական բյուջեից համայնքային բյուջեներին պաշտոնական դրուցիաների հատկացմամբ, այնպես էլ համահարթեցման դրուցիաների տրամադրմամբ՝ միջինից բարձր ֆիսկալ կարողություններ ունեցող համայնքներից՝ միջինից ցածր ֆիսկալ կարողություններ ունեցող համայնքներին: Միջազգային պրակտիկայում ընդունված են համահարթեցման ընդհանուր եկամուտներից մասհանումների ձևով՝ մասհանումներ ԱԱՀ-ից, եկամտահարկից և շահութահարկից, ինչպես նաև տվյալ համայնքում ապրող անհատ ձեռնարկատերերի եկամտահարկից: «Տեղական ինքնակառավարման մասին» <<օրենքով եկամտահարկից և շահութահարկից մասհանումները նույնանում սահմանվում եմ որպես համայնքի բյուջեի ձևավորման աղբյուր՝ հարկային եկամուտ, սակայն օրենքում ամրագրված չեն նշված հարկերի մասհանումների տոկոսաշավիերը, դրանք սահմանվում են յուրաքանչյուր տարվա պետական բյուջեի մասին օրենքով: Ընդ որում, սկսած 2002 թվականից, երբ ընդունվեց «Տեղական ինքնակառավարման մասին» <<օրենքը, եկամտային հարկից և շահութահարկից համայնքներին երբևէ մասհանումներ չեն կատարվել, ինչպես նաև միջինից բարձր բյուջետային կարողություններ ունեցող համայնքներից միջինից ցածր բյուջետային կարողություններ ունեցող համայնքներին, ընթացիկ ծախսերի ֆինանսավորման նպատակով, պաշտոնական դրամաշնորհներ չեն տրամադրվել:

Զարգացած եվրոպական երկրներն ունեն ֆինանսական համահարթեցման կառուցակարգերի կիրառման հարուստ և բազմազան փորձ, և նրանց մեջ մասը ֆինանսական համահարթեցումն իրականացնում է հետևյալ կարգով.

- համահարթեցվում են ոչ միայն եկամուտները, այլև հաշվի են առնվում համայնքների ծախսային առանձնահատկությունները,
- համահարթեցման դրուցիաները տրամադրվում են բոլոր համայնքներին, այդ թվում միջինից ցածր ֆինանսական ներուժ ունեցողներին,
- ֆինանսական համահարթեցումն իրականացվում է հնարավորինս պարզ բանաձևի միջոցով, որը ցանկացած համայնքին հնարավորություն կտա հաշվարկելու իրեն տրամադրվող դրուտացիայի չափը³:

Համայնքների զարգացման հարցերը հատկապես կարևորվում են անցումային տնտեսությամբ երկրներում: <<-ում տեղական ինքնակառավարման զարգացման և համայնքների ֆինանսական ապահովածության հարցերի շուրջ գիտական աշխատանքներ են կատարել Է. Օրյանը, Է. Ղազարյանը, Յու. Սուվարյանը, Ա. Մուրադյանը, Դ. Թումանյանը, Վ. Հարությունյանը, Ն. Ջրբաշյանը և այլք: Ուստի, ենելով նախորդ տարիներին կուտակված

² Steu Shah A., The reform of intergovernmental fiscal relations in developing and emerging countries, World bank policy research working paper N 23, 1997, էջ 41:

³ Steu Shah A. և ուրիշներ, Համայնքի բյուջետավորման ուղեցույց, Եր., 2010, էջ 53:

փորձից, ներկա փոլում, այս ոլորտում առկա հիմնախնդիրների լուծման առողմով, առաջանում է նոր մոտեցումների ու կառուցակարգերի մշակման անհրաժեշտություն:

Հետազոտության մեթոդաբանություն: Հետազոտության համար տեսական հիմք են հանդիսացել հայկական և օտարերկրյա գիտական, փորձագիտական և ուսումնամեթոդական աշխատությունները, այդ թվում՝ մասնավոր և պետական կազմակերպությունների, հասարակական կազմակերպությունների մշակած փորձագիտական նյութերը և այլն:

Տեղեկատվական հիմք են ծառայել ՀՀ ֆինանսների նախարարության, ՀՀ վիճակագրական կոմիտեի, ՀՀ տարածքային կառավարման և ենթակառուցվածքների նախարարության, ՀՀ կենտրոնական բանկի և պետական այլ մարմինների պաշտոնական նյութերն ու տվյալները, բյուջետային և տեղական ինքնակառավարման ոլորտը կարգավորող մի շարք օրենքներ և իրավական ակտեր, այդ թվում՝ ՀՀ Սահմանադրությունը, «Բյուջետային համակարգի մասին» ՀՀ օրենքը, «Տեղական ինքնակառավարման մասին» ՀՀ օրենքը, 2010-2019 թթ. պետական բյուջեի մասին ՀՀ օրենքները և այլն:

Համեմատության համար դիտարկվել են մի շարք պետությունների տեղական բյուջեների եկամուտների ծևավորման աղբյուրները, տեղական բյուջեների եկամուտների ինքնուրույնության մակարդակները, ֆինանսական համահարթեցման կառուցակարգերի կիրառման փորձը և այլն: ՀՀ համայնքներում բյուջետային եկամուտների բներացվածությունը բացահայտելու նպատակով համեմատական վերլուծության են ենթարկվել Երևան քաղաքի և ՀՀ համայնքների բյուջեների եկամուտները, պետական բյուջեից ֆինանսական համահարթեցման սկզբունքով տրամադրվող դոտացիաները և նպատակային սուբյեկտները: Գնահատման համար օգտագործվել են հետևյալ ցուցանիշները՝ համայնքների ընդհանուր եկամուտները, սեփական եկամուտները, այդ թվում՝ գույքահարկը, հողի հարկը, տեղական տուրքերը, պետական տուրքերը, գույքի վարձակալությունից եկամուտները, ֆինանսական համահարթեցման սկզբունքով տրամադրվող դոտացիաները, նպատակային սուբյեկտները: Այս ցուցանիշների ընտրությունը պայմանավորված է համայնքների ֆինանսական անկախության և դրանց միջև առկա ուղղակի կապով:

Վերլուծության ընթացքում կիրառվել են վիճակագրական, գրաֆիկական, ինչպես նաև համեմատական վերլուծության մեթոդներ: Այս մեթոդների ընտրությունը պայմանավորված է համայնքների բյուջեների ֆինանսական կարողությունների համակարգային գնահատման անհրաժեշտությամբ:

Վերլուծություն: ՀՀ Սահմանադրությամբ ամրագրված է, որ համայնքներն իրենց բյուջեն ծևավորում են ինքնուրույն: Միաժամանակ, համայնքների բյուջեների եկամուտների աղբյուրները սահմանվում են օրենքով, և համայնքներին իրավունք է վերապահված օրենքի շրջանակում համայնքի տարածքում սահմանել համայնքային հարկեր և տուրքեր, ինչպես նաև իրենց կողմից մատուցվող ծառայությունների դիմաց՝ վճարներ:

Ներկայումս դոտացիաների մեծությունը որոշվում է՝ հիմք ընդունելով համայնքի բնակչության թիվը կամ համայնքների բյուջետային ապահովվա-

ծության գործակիցը⁴:

Սուբվենցիաները, ի տարբերություն դոտացիայի տրամադրման և օգտագործման սկզբունքի, պետական բյուջեից տրամադրվող նպատակային հատկացումներ են համայնքների բյուջեներին: Սուբվենցիայի օգտագործման նպատակայնությունն այն դարձնում է իհմնավորված, իսկ կիրառումը՝ հեշտ վերահսկելի: Մի շարք երկրներում այս միջոցների տրամադրումն իրականացվում է այն պայմանով, որ տեղական իշխանություններն ել մասնակից լինեն այս ծախսերին: Այսինքն, պետությունը տեղական իշխանության մարմիններին կարող է սուբվենցիաներ տրամադրել նաև համաֆինանսավորման կարգով: Համաֆինանսավորումը բարձրացնում է համայնքների պատասխանատվությունն այն ծրագրերի նկատմամբ, որոնք ներկայացվում են ֆինանսավորման, որպես ապացուց այն բանի, որ համայնքը ճիշտ է գնահատում ծրագրի կարևորությունը:

Սուբվենցիաների տրամադրումը համայնքների բյուջեներին կատարվում է համայնքների ղեկավարների կողմից սուբվենցիաների տրամադրման ծրագրային հայտը համապատասխան մարզպետարան ներկայացնելու միջոցով⁵, իսկ Երևանի քաղաքապետը ներկայացնում է համապատասխան ոլորտային պետական կառավարման մարմիններ և ՀՀ տարածքային կառավարման և Ենթակառուցվածքների նախարարություն: Պետական կառավարման մարմինները, քննարկելով համայնքների ներկայացրած ծրագրային հայտերը, որոշում են ընդունում սուբվենցիաների տրամադրման մասին ծրագրային հայտերի վերաբերյալ՝ տալով համապատասխան եզրակացություն: Դրական եզրակացության դեպքում բյուջետային հատկացումների ընդհանուր չափաքանակը ներառում են առաջիկա տարվա իրենց բյուջետային ֆինանսավորման հայտերում և եզրակացության հետ միասին ներկայացնում ՀՀ ֆինանսների նախարարություն և ՀՀ տարածքային կառավարման և Ենթակառուցվածքների նախարարություն, իսկ Երևան քաղաքին նպատակային հատկացումներ տրամադրելու դեպքում Երևանի քաղաքապետարան:

Ինչպես ցանկացած երկրում, այնպես էլ ՀՀ-ում, ՏԻՄ-երն իրենց վերապահված լիազորությունների արդյունավետ և լիարժեք իրականացման համար պետք է ապահովված լինեն համապատասխան մարդկային, նյութական, ֆինանսական և այլ ռեսուրսներով: Այս շարքում անշափ կարևոր է ՏԻՄ-երին օրենսդրությամբ տրված լիազորությունների և դրանց համար սահմանված ֆինանսական միջոցների աղբյուրների ու ծավալների համապատասխանության դիտարկումը և վերլուծությունը:

2019 թ. համայնքների բյուջեների եկամուտները, նախորդ տարվա համեմատ, աճել են 16.946.473 հազ. ՀՀ դրամով, կամ փաստացի աճը կազմել է 13.3%: Ընդ որում, առանց Երևան քաղաքի բյուջեն հաշվի առնելու, 2019 թ. համայնքների բյուջեների փաստացի աճը, նախորդ տարվա համեմատ, կազմել է 18.3%:

Համայնքների իրական ֆինանսական անկախության աստիճանը որո-

⁴ Տե՛ս ՀՀ օրենքը «Ֆինանսական համահարթեցման մասին», Եր., 2016:

⁵ Տե՛ս ՀՀ Կառավարության 2006 թ. նոյեմբերի 16-ի «ՀՀ պետական բյուջեից համայնքներին սուբվենցիաների տրամադրման կարգը հաստատելու մասին» N1708-Ն որոշումը:

Չող կարևոր ցուցանիշներից է համայնքի եկամուտների մեջ սեփական եկամուտների (գույքահարկ, հողի հարկ, տեղական տուրքեր, պետական տուրքեր, գույքի վարձակալությունից եկամուտներ) տեսակարար կշիռը: Ինչպես երևում է գծապատկեր 1-ից, սեփական եկամուտների տեսակարար կշիռը համայնքի բյուջեի եկամուտներում 2014-2019 թթ. էական փոփոխության չի ենթարկվել. 2019 թ. սեփական եկամուտների փաստացի աճը, նախորդ տարվա նկատմամբ, կազմել է 15.1% (գծապատկեր 1):



Գծապատկեր 1. ՀՀ համայնքների բյուջեների բաղկացուցիչների գումարարար կշիռները ընդհանուր եկամուտներում (առանց Երևանի, %) 2014-2019 թթ.⁶


ՀՀ համայնքների միջև առկա տարբերությունները նվազեցնելու և համայնքների ներդաշնակ զարգացումն ապահովելու նպատակով պետությունն իրականացնում է պետական բյուջեից համայնքների բյուջեներին դրուցիչաների և սուբվենցիաների տրամադրում: 2014-2019 թթ. ֆինանսական համահարթեցման դրուցիչաների տեսակարար կշիռը համայնքների բյուջեների եկամուտներում տատանվել է 54-65%-ի սահմանում՝ միջինում կազմելով 60.0%: 2019 թ. ֆինանսական համահարթեցման դրուցիչաները կազմել են 37.641.006.2 հազ. ՀՀ դրամ, դրանց տեսակարար կշիռը համայնքների բյուջեներում կազմել 54.21%՝ նախորդ տարվա համեմատ նվազելով 5.11 տոկոսային կետով, փաստացի աճը, նախորդ տարվա համեմատ, կազմել է 8%:

Նպատակային սուբվենցիաների տեսակարար կշիռը համայնքների բյուջեներում չնշին է. 2015 թ. կազմել են համայնքների բյուջեների եկամուտների 2.75%-ը, իսկ 2019-ին՝ ընդհանուր 0.65%-ը՝ նախորդ տարվա համեմատ ավելանալով 55%-ով և կազմելով 454.368.5 հազ. ՀՀ դրամ:

Պատկերն էականորեն փոխվում է, եթե վերլուծություններին ավելացնում ենք Երևան քաղաքի բյուջետային եկամուտները (գծապատկեր 2):


Պաշտոնական դրամաշնորհների կազմում զգալի է Երևան քաղաքի բյուջեին տրամադրվող պաշտոնական դրամաշնորհների տեսակարար կշիռը:

⁶ Գծապատկերը կազմել է հեղինակը՝ ՀՀ ՏԿԵ 2014-2019 թթ. «Համայնքների բյուջետային եկամուտների վերաբերյալ» հաշվետվությունների հիման վրա:



Գծապատկեր 2. Պաշտոնական դրամաշնորհների առանձին բաղկացուցիչների ծավալը 2014-2019 թթ. (առանց Երևանի)⁷

Երևան քաղաքին տրամադրվող ֆինանսական համահարթեցման դուտացիաների տեսակարար կշիռը, ՀՀ համայնքներին տրամադրվող դուտացիաների կազմում, 2019 թ. ընդամենը 35.7% էր, ընդ որում՝ վերջին չորս տարիների ընթացքում այդ գումարը փոփոխության չի ենթարկվել (գծապատկեր 3):




Գծապատկեր 3. ՀՀ համայնքներին և Երևան քաղաքին պետական բյուջեից դրամադրվող ֆինանսական համահարթեցման դուտացիաները (2014-2019 թթ.)⁸

ՀՀ համայնքներին տրամադրվող սուբվենցիաները 2019 թ. կազմել են ընդամենը 454.368 հազ. ՀՀ դրամ, մինչդեռ, Երևան քաղաքին տրամադրվող նպատակային սուբվենցիաները կազմել են 8.710.352 հազ. ՀՀ դրամ՝ ՀՀ համայնքներին տրամադրվող սուբվենցիաների գումարը գերազանցելով շուրջ 19 անգամ (գծապատկեր 4):

⁷ Գծապատկերը կազմել է հեղինակը՝ ՀՀ ՏԿԵՆ 2014-2019 թթ. «Համայնքների բյուջենային եկամուտների վերաբերյալ» հաշվետվությունների և պետական բյուջեի մասին ՀՀ օրենքների հիման վրա:

⁸ Գծապատկերը կազմել է հեղինակը՝ ՀՀ ՏԿԵՆ 2014-2019 թթ. «Համայնքների բյուջենային եկամուտների վերաբերյալ» հաշվետվությունների հիման վրա:

Այսպիսով, համայնքների բյուջեների 2019 թ. եկամուտների շուրջ 60%-ը ձևավորվել է պաշտոնական դրամաշնորհներից՝ պետական բյուջեից տրամադրվող դուտացիաների և սուբվենցիաների միջոցով:



Գծապատկեր 4. ՀՀ համայնքներին և Երևան քաղաքին պետական բյուջեից հարկացվող նպագրակային սուբվենցիաները (2014-2019 թթ.)⁹

Վերլուծությունները ցույց են տալիս, որ ներկայումս ՀՀ-ում գործում է այնպիսի բյուջետային համակարգ, համաձայն որի՝ բավականին մեծ է համայնքների բյուջեների կախվածությունը պետական բյուջեից տրամադրվող դրամաշնորհներից, հատկապես՝ ֆինանսական համահարթեցման սկզբունքով՝ տրամադրվող դուտացիաներից: Համայնքների խոշորացումից հետո դեռևս կան այնպիսի համայնքներ, որոնց տրամադրած ֆինանսական համահարթեցման դուտացիաների տեսակարար կշիռը կազմում է համայնքի բյուջեի 80 և ավելի տոկոսը¹⁰, և այսպիսի համայնքները չեն կառողանում մատուցել օրենքով վերապահված համայնքային նշանակության ծառայություններ: Այս պայմաններում առանձնահատուկ կարևորություն է ստանում պաշտոնական դրամաշնորհների բաշխման կառուցակարգի արդյունավետությունը: Դեռևս 2016 թ. ընդունված ֆինանսական համահարթեցման մասին օրենքը սահմանում է դուտացիաների տրամադրման նոր կառուցակարգեր, մասնավորապես դրանք տրամադրվում են՝ իհմք ընդունելով համայնքի բնակչության թիվը. այս մասով դուտացիա է տրամադրվում այն համայնքներին, որոնց բնակչության թիվը չի գերազանցում 3500-ը (ընդ որում՝ յուրաքանչյուր համայնքին դուտացիաները հատկացվում են հավասարաչափ, որի չափը սահմանվում է տվյալ տարվա «ՀՀ պետական բյուջեի մասին» օրենքով), և համայնքի բյուջետային պահովվածության գործակիցը փոքր է օրենքով սահմանված համահարթեցման սահմանային մակարդակի արժեքից: Կարևոր է նշել, որ եթե համայնքի բնակչության թիվը չի գերազանցում 3500-ը, ապա չի բացառվում նաև, որ տվյալ համայնքը կարող է դուտացիա ստանալ՝ ըստ համայնքների բյուջետային պահովվածության գործակից: Այս պարագայում ստացված դուտացիան, ըստ համայնքի բնակչության քանակի, որպես լրացուցիչ եկամուտ ներառվում է համայնքի եկամտային կարողության գործակիցի հաշվարկում:

⁹ Գծապատկերը կազմել է հեղինակը՝ <<ՏԿԵՆ 2014-2019 թթ. «Համայնքների բյուջետային եկամուտների վերաբերյալ» հաշվետվությունների իհման վրա:

¹⁰ Վերլուծությունն իրականացրել է հեղինակը՝ իհմք ընդունելով <<ՏԿԵՆ 2019 թ. «Համայնքների բյուջետային եկամուտների վերաբերյալ» հաշվետվությունները:

Գոյություն ունեն մի շարք բացեր և անճշտություններ՝ կապված ոլորտը կարգավորող օրենսդրահրավական դաշտի հետ: Մասնավորապես, պետական բյուջեից համայնքներին հատկացվող այլ դոտացիաների տրամադրումը չի կարգավորվում որևէ իրավական ակտով, սուբվենցիաների տրամադրման սահմանված կարգը դեռևս ամբողջական չէ: առկա որոշումներով չեն նախատեսվում հատակ կառուցակարգեր կամ բանաձևեր, որոնցով սուբվենցիաներ կտրամադրվեն ՀՀ այս կամ այն համայնքին: Բացի դրանից, չի ապահովվում գործընթացի թափանցիկությունը, քանի որ ՏԻՄ-երը չեն կարող մասնակցել որոշումների ընդունմանը:

Համայնքների ֆինանսական անկախության բարձրացման տեսանկյունից կարևորվում է սեփական եկամուտների և դրանց ծևավորման աղբյուրների ավելացմանն ուղղված գործողությունների իրականացումը: Այս համատեքստում, անհրաժեշտ է օրենսդրորեն ամրագրել պետական բյուջեից համայնքների բյուջեներ մուտքագրվող հարկերից և պարտադիր վճարներից մասհանումների տոկոսաչափերը, որոնք ամեն տարի պետական բյուջեի մասին ՀՀ օրենքով սահմանվում են 0%: Ընդ որում, մասհանումների ծավալը կամ տոկոս անհրաժեշտ է սահմանել ոչ թե յուրաքանչյուր տարվա պետական բյուջեի մասին օրենքով, այլ «Տեղական ինքնակառավարման մասին» կամ «ՀՀ բյուջետային համակարգի մասին» ՀՀ օրենքներով, ինչը կնպաստի համայնքների բյուջեների կայունության բարձրացմանը:

Եզրակացություններ: ՀՀ Սահմանադրության 179-րդ հոդվածի համաձայն՝ տեղական ինքնակառավարումն իրականացվում է համայնքներում և սահմանվում է որպես ՏԻՄ-երի իրավունք ու կարողություն՝ համայնքի բնակիչների շահերից ելնելով, ՀՀ Սահմանադրությանը և օրենքներին համապատասխան, սեփական պատասխանատվությամբ լուծելու համայնքային նշանակության հանրային հարցերը: Այնուամենայնիվ, ինչպես երևում է կատարված վերլուծությունից, պաշտոնական դրամաշնորհները կազմում են համայնքների բյուջեի շուրջ 60%-ը, իսկ սեփական եկամուտները՝ 24%-ը: Փորձելով համայնքներին տալ տեղական ինքնակառավարման իրավունք՝ հաշվի չեն առնվել նրանց վերապահված լիազորություններն իրականացնելու համար անհրաժեշտ կարողությունները: Ընդ որում, բոլոր համայնքներին, անկախ դրանց ֆինանսական կարողությունից և մեծությունից, վերապահված են միևնույն լիազորությունները: Համայնքների բնակիչները ստանում են համայնքային այս կամ այն ծառայությունը, մինչդեռ, հասարակության յուրաքանչյուր անդամ, անկախ իր բնակության վայրից, պետք է ստանա որակյալ ծառայություն:

Համայնքների ֆինանսական բարեկեցությունը, կարելի է ասել, հիմնականում կախված է համայնքի բյուջեի եկամուտների ծևավորման աղբյուրներից, որոնց թվում կարելի է առանձնացնել օրենքով պետական բյուջեին ամրագրված հարկատեսակներից և պարտադիր վճարներից համայնքի բյուջեին կատարվող մասհանումները: Մասհանումների համակարգի ներդրումը, ընդհանուր առմամբ, ձեռնտու է ինչպես համայնքներին, այնպես էլ ողջ հանրապետությանը: Սակայն մինչ մասհանումների իրականացումը, անհրաժեշտ է լուծել մի շարք խնդիրներ: Բնակչությունը խիստ անհամաչափ է տեղաբաշխված: Եկամտային հարկ և շահութահարկ վճարող հարկատուները մեծ տեսակարար կշիռ են կազմում երևանում: Մյուս կարևոր խնդիրը կապ-

ված է հարկ վճարողի եկամուտների ձևավորման վայրի վերաբերյալ հստակ պատկերացում կազմելու անհնարինության հետ, քանի որ շատ հարկ վճարողների գրանցման և գործունեության իրականացման հասցեները չեն համընկնում: Այս պայմաններում մասհանումները կավելացնեն Երևան քաղաքի բյուջեի եկամուտները՝ նպաստելով համայնքների անհամաշափ զարգացմանը: Ամփոփելով արձանագրենք, որ վերոնշյալ խնդիրների լուծման միջոցով հնարավոր կլինի բարելավել համայնքների ֆինանսական վիճակը և ապահովել տեղական ինքնակառավարման համակարգի հետագա զարգացում ժողովրդավարության սկզբունքներին համապատասխան:

Օգտագործված գրականություն

1. ՀՀ Սահմանադրություն (փոփոխություններով), 2015:
2. ՀՀ օրենքը «Բյուջետային համակարգի մասին», 1997:
3. ՀՀ օրենքը «ՀՀ 2014 թ. պետական բյուջեի մասին», 2013:
4. ՀՀ օրենքը «ՀՀ 2015 թ. պետական բյուջեի մասին», 2014:
5. ՀՀ օրենքը «ՀՀ 2016 թ. պետական բյուջեի մասին», 2015:
6. ՀՀ օրենքը «ՀՀ 2017 թ. պետական բյուջեի մասին», 2016:
7. ՀՀ օրենքը «ՀՀ 2018 թ. պետական բյուջեի մասին», 2017:
8. ՀՀ օրենքը «ՀՀ 2019 թ. պետական բյուջեի մասին», 2018:
9. ՀՀ օրենքը «Տեղական ինքնակառավարման մասին», 2002:
10. ՀՀ օրենքը «Ֆինանսական համահարթեցման մասին», 2016:
11. ՀՀ Կառավարության 2006 թ. նոյեմբերի 16-ի «ՀՀ պետական բյուջեից համայնքներին սուբվենցիաների տրամադրման կարգը հաստատելու մասին» N1708-Ն որոշում:
12. Տեղական ինքնակառավարման Եվլուպական խարտիա, Ստրասբուրգ, 1985:
13. Բոդր Ռ. և ուրիշներ, Համայնքի բյուջետավորման ուղեցույց, Եր., 2010:
14. ՀՀ վիճակագրական կոմիտեի պաշտոնական կայք՝ www.armstat.am:
15. ՀՀ տարածքային կառավարման և Ենթակառուցվածքների նախարարության պաշտոնական կայք՝ www.mtad.am:
16. ՀՀ ֆինանսների նախարարության պաշտոնական կայք՝ www.minfin.am:
17. Shah A., The Reform Of Intergovernmental Fiscal Relations in Developing And Emerging Countries, World Bank Policy Research Working Paper N 23, 1997.
18. Congressional Research Service, Federal Grants to State and Local Governments: A Historical Perspective on Contemporary Issues, 2019.

ГОАР АГАДЖАНЯН

Аспирант кафедры управления АГЭУ

Роль официальных трансфертов в процессе формирования местного бюджета. – История местного самоуправления РА насчитывает около 25 лет, в течение которых наблюдается значительное развитие: сформировалось и развило законодательно-правовое поле, был определен круг полномочий и обязанностей органов местного самоуправления, урегулирована сфера сотрудничества органов государственной власти и местного самоуправления, полномочия органов государственной власти были децентрализованы и т.д. Однако следует отметить, что органам местного самоуправления еще многое предстоит сделать для полного осуществления возложенных на них законом полномочий, в том числе реальную способность и право на осуществление местного самоуправления.

В статье были рассмотрены тенденции развития местного бюджета РА на 2014-2019 гг., поляризация официальных трансфертов, были проанализированы отдельные компоненты местного бюджета: дотации финансового выравнивания, субсидии, собственные доходы, дотации и субсидии, предоставляемые городу Ереван и т.д. В результате проведённого анализа, с выявлением существующих проблем, был сделан ряд предложений по увеличению источников собственных доходов местного бюджета, а также по решению проблем, существующих в законодательно-правовой сфере.

Ключевые слова: местное самоуправление, местный бюджет, трансферты финансового выравнивания, целевые субсидии, собственные доходы.

JEI: R10, R51

GOHAR AGHAJANYAN

PhD Student at the Chair of Management at ASUE

The Role of the Transfers in the Community Budget Formulation Process. – The sphere of local self-government in the RA has a history of about 25 years, in the course of which a significant development has taken place: the legislative framework has been formed and developed, the scope of liabilities and responsibilities of local self-government bodies has been defined, the scope of cooperation between state and local self-government bodies has been regulated, some liabilities of state authorities have been decentralized, etc. However, it should be noted that much remains to be done by local self-government bodies for the full implementation of their liabilities under the law, including obtaining rights and a real ability to implement local self-government.

The paper discusses the development trends of the community budget of the RA for 2014-2019 and the polarization of official transfers, the individual components of the community budget, such as financial equalization transfers, targeted subsidies, own revenues, subsidies provided to the city of Yerevan. As a result of the analysis, a number of proposals has been made to increase the source of the community budget's own revenue, as well as to solve the existing issues in the legislative framework.

Key words: local self-government, community budget, financial equalization transfer, targeted subsidy, own revenue.

JEI: R10, R51